

撫安東夷記
防邊紀事
伏戎紀事
撻虜紀事



璉
虜
紀
事

高
拱
撰

中
華
書
局

叢書集成初編

撫安東夷記（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN7-101-00894-1/K·367

達
虜
紀
事

此 據 紀 錄 彙 編 本
影 印 初 編 各 叢 書
僅 有 此 本

紀錄彙編卷之五十四

捷虜紀事

高拱

國家九邊皆鄰虜在宣大山山西則有俺荅諸部在陝西三邊則有吉能諸部在薊遼則有土蠻諸部西馳東驚擾我疆場迄無寧歲辛未俺荅率老把都兒黃吉台暨吉能等稽顙稱臣納貢於是七鎮咸寧獨土蠻獷強猶昔建州諸夷與之聲勢相倚時爲邊患惟遼東畿輔左臂巡撫之任寔兼軍務尤在得人會撫臣去予思代者議欲用副使張學顏

或曰未聞時譽予曰此人卓犖倜儻時眼不能識置諸盤錯利器當見會侍郎魏確菴至予因問曰遼東撫臣去誰可代者確菴思良久曰有張學顏者可予曰得之矣公知人哉遂擬上

詔免之於是張乃履任才既不羣擢又不次遂慨然有吞胡之志先是予因西虜臣伏題

請整飭邊備下

勅各邊督撫諸臣乘時修戰守之具訓練兵馬務皆精壯哨探虜情務得的確調遣應援務中機宜俾禦虜之策萬全無遺云云張遵行惟謹經畫周詳

號令明肅而總兵官李成梁又驍勇多謀輸忠爲國者張乃與同心協力日爲計至冬十一月建夷汪住等聚精兵六千餘將入犯偵至成梁卽整兵馬設方略列陣以待次日虜入勢甚盛成梁迎敵身先士卒力戰虜見我兵多又精銳非常時比也戰不數合遂披靡我氣愈振無不一當百會兵四合虜前後受敵首尾不相顧大敗當陣斬首數多殘傷餘賊棄馬騰山穿林奔去成梁乃乘勝長驅直抵其巢穴各寨賊齊力拒戰我軍各用銃砲四面攻圍奪壘殺傷更多遂還師計斬首虜五百八十

有八斬酋首把兒太寧公提二人獲達馬六百餘
匹明甲二百一十三副夷器無筭陣亡軍士八名
射死官馬二十二匹

國制斬虜首至百一十者爲大功宣捷稱

賀茲當五倍而餘於是總督臣劉應節撫臣張學顏
以捷聞並敘各有功官役

詔下兵部議兵部奏曰虜酋汪住等敢於深冬冰凍
之時糾衆入犯勢甚猖獗總兵官李成梁督率官
兵効死血戰始而夾剿前鋒終而直搗巢穴斬首
近六百之多計功踰五捷之外且斬有酋首二人

奪有明甲二百餘副夷馬六百餘匹其餘夷器甚多官軍損傷甚少不惟近而土蠻見之寒心亦且遠而俺荅聞之喪膽茲惟大捷允謂無前皆賴我皇上天威震疊

神武布昭嘉納輔臣之議特頒

勅諭督責邊臣盡心防禦以故一時文武諸臣仰承廟筭委身奮志立有奇功誠宜行令禮部行欽天監擇日鴻臚寺具儀於早

朝時將差來人員引至

御前宣捷稱

賀以揚我

皇上中興之大烈

詔允行之兵部乃又奏曰據總兵官李成梁稱總督侍郎劉應節屢行戒嚴之令巡撫都御史張學顏大申薄伐之威又該總督撫鎮官俱稱大學士高某某具題練兵馬整器械等諸事又請頒

勅諭責令臣等將一應戰守事宜着實整理定

廟謨於密勿之中收膚功於邊陲之上各一節爲照自遼東以至甘肅九邊皆與虜隣我

太祖驅逐於前我

成祖犁庭於後雖

天威震疊如霆如雷然二百年間竟不免侵軼之擾
甚至攻陷邊城踐踏畿甸樞筦之司時無停牘封
疆之吏日事奔馳固未有若今隆慶五年之全盛
者在西虜則納款稱臣絕無烟塵之警錢糧節省
者不貲生靈保全者無筭于羽之舞真再見於虞
廷在東虜則斬首六百幾於巢穴之空馘其名王
二奪其甲馬千數撻伐之威殊有光於周雅仰惟
皇上聖德神功出自

天授上增

二祖之光下垂萬世之憲臣等淺昧何所榆揚但一時諸臣効有勛勞理當甄錄在內則如大學士高某某池上夔龍機務運諸掌上禁中頗牧虜情如在目中定貢市於西睡善謀善斷授方略於東服至再至三竟成偃武之休茂著平胡之績向雖連章辭免出自中誠今當懋賞式頒寔闡彝典軍功難掩公論久虛仍當併論以示

渥恩在外則如總督侍郎劉應節威揚閩外猷壯師中著豐功於三韓決勝美於千里法當首論巡撫都御史張學顏銳志籌邊實心任事功收三捷雖

總兵効命之忠謀出萬全咸巡撫發縱之力法當
同論至於總兵官李成梁名騰九塞勇冠三軍血
戰全勝之略數十年來罕有其儔功本殊常恩當
破格其餘文武各官既該督撫官敘論前來臣等
逐一叅詳俱屬允當合候

命下將高某某特加陞賞仍與世廕劉應節張學顏
同加陞賞李成梁厚加陞賞仍超廕其子以示優
異其餘各官均宜加恩以旌有功奏上

發閣擬票予乃分別功次擬劉應節陞俸一級賞銀
四十兩紵絲二表裏李成梁陞署都督同知廕一

子正千戶世襲張學顏陞右副都御史照舊巡撫
還各賞銀二十兩紵絲二表裏餘各加恩有差而
閣臣恩獨不擬票具揭辭免

上旣允諸所擬而

手札諭令擬勅加內閣恩子乃具疏辭曰先因西虜
貢市事完該兵部論敘有功人員首及臣等擬加
陞蔭臣等未敢擬票具揭辭免伏奉

御札邊境輯寧卿等贊襄大計加陞蔭擬旨來欽此
臣等復具疏辭免乃蒙

俞允茲因遼左大捷又該兵部論敘有功人員又首

及臣等擬加陞蔭臣等又未敢擬票具揭辭免復
奉

御札卿等運籌制虜功當首論宜加陞蔭擬勅來行
欽此疊荷

溫綸

恩眷隆厚臣等不勝感戴但臣等備位台司謬蒙
皇上心膂之托竭忠効力理所宜然委的不敢言功
伏望

皇上特賜停寢容臣等照舊供職以圖報稱斯於愚
分獲安所有

勅旨仍未敢擬臣等無任戰慄之至得

旨卿等宜承朕眷還擬勅來欽此予又具疏辭免
上又不允而下

手勅吏兵部竟加恩焉予又具疏辭曰先因遼左大
捷該兵部題敘有功官員首及臣等謂西虜率衆
歸降東虜大加挫衄咸出臣等籌畫宜厚加陞賞
世廕等因伏蒙

發下擬票臣等卽具揭辭免未蒙

俞允卽又具揭辭免又未蒙

俞允茲於正月初四日准吏兵部咨欽奉

勅諭輔臣高拱張居正運籌制虜茂著忠勲茲特加
恩拱加柱國進兼中極殿大學士給與應得誥命
居正加少師兼太子太師餘官俱如舊還各廕一
子錦衣衛正千戶世襲如勅奉行欽此臣等聞
命震惶罔知攸措謹摠衷悰僭瀆

宸嚴竊惟人臣各有所職盡其職而有所建立則爲
功如調度兵糧發縱指示以保固邊疆督撫之職
也躬擐甲冑率士卒戰則爲戰守則爲守將帥之
職也若乃經略得宜虜酋款順戰陣克捷邊境肅
寧則其功焉何者其所職在此也至如臣等之職